



UNIVERSITÄTS-
BIBLIOTHEK
PADERBORN

Universitätsbibliothek Paderborn

Örigenus Tōn Eis Tas Theias Graphas Exēgētikōn Apanta Ta Ellēnisti Heuriskomena

Cui idem præfixit Origeniana, Tripartitum opus, quo Origenis narratur vita,
doctrina excutitur, scripta recensentur

Origenes

Rothomagi, 1668

XIX. Vtrum corpus Christi ubique esse censuerit.

urn:nbn:de:hbz:466:1-25059

A voluerit: deinde addit: *ἡ δουλεύουσα τὴν πόλιν & ἡ πόλις ἡ τὴν ἰσοῦ σῶμα, ἀπορία δὲ ἐκλήθη*... Et paulo post: *ἡμῶς δὲ ἡ, ἡ ἐξ ἧς τὸ φῶσφος ἔτι*...

XVIII. Est apud Hieronymum in Jerem. 22, Iechoniam filium Ioakim, qui annulo comparatur, & vas contritum, ac vir sterilis appellatur, ad Christum retulisse Origenem

libr. 5. Stromat. quæ intercederunt. Optime Sixtus Senensis: *Credibile è libri qui extant, Origenem hac ut pote allegorice exponentem protulisse de Christo, eo sensu quo Paulus ausus est dicere Christum factum pro nobis peccatum, maledictum, execrationem, hoc est, oblationem pro peccato, & maledictionem cui eramus obnoxij.* Sixt. Sen. libr. 5. Bibl. Annot. 234

B Quod si quis præterea hæc Jeremia ad Isaia 52. 14. & 53. 2, 3. expendit, Origenis interpretationem minime mirabitur.

XIX. Cum Patrum aliquot testimonij sese tueantur Vbiquistæ, quorum verba vel male intelligendo pervertunt, vel male interpretando corrumpunt; pari quoque jure Origenis patrocinium asciscere poterant, qui Tractat. 34. in Matth scriptum id reliquit: *Non aliquo quidem loco apparebit Filius Dei, cum venerit in gloria sua, in altero autem non apparebit. Sed sicut ipse secundum comparationem fulguris exeuntis adventum suum voluit demonstrare dicens: Si dixerint vobis: Ecce in deserto, nolite exire; Ecce in domo, nolite credere. Sicut enim fulgur egreditur ab Oriente, & apparet usque ad Occidentem, sic erit adventus Filij hominis: sicut enim fulgur egreditur ab Oriente, & propterea quod omnia implet apparet usque ad Occidentem; sic cum venerit Christus in gloria sua, propterea quod ubique futurus est, & ipse in conspectu omnium erit ubique, & omnes ubique erunt in conspectu ipsius, & sic constituentur ante sedem gloria ejus, hoc est ante regnum ejus, & potestatem dominationis ipsius.* Id solvere se putat Genebrardus, seu quisquis verba hæc ad oram atxuit: *Vbique futurus Christi adventus, sed successive.* At repugnat fulguris exemplum, quod non successive, sed eodem ferme puncto temporis Orientem & Occidentem collustrat, propterea quod omnia implet. Ego vero non humanitatis Christi corporeis usurpandæ oculis, sed divinitatis menti apparituræ præsentiam significari censeo. Faciunt fidem quæ proxime præcedunt: *quanto magis recte dicuntur omnes Gentes ante cum congreganda, & constituenda, quando palam omnibus tam bonis quam malis, tam fidelibus, quam infidelibus fuerit factus manifestus, ante oculos mentis eorum jam non fidei aut diligentia alicujus inquisitione reperiens, sed ipsius divinitatis sue*

C manifestacione prælatus. Fidem quoque faciunt, quæ Tractatu in Matthæum superiore leguntur, in quo hæc ediferens, *Uomo quidam peregre proficiscens, &c.* quarit qui peregrinari diei possit Christus, quem ubique esse Literæ sacræ demonstrant; tum subjicit Christum qua est Deus Verbum, & Sapientia, & Iustitia, & Veritas, corporeo ambitu non circumcludi, & secundum divinitatem suam ac virtutem ubique esse, sed secundum dispensationem corporis quod suscepit, peregrinari. Idem adstruit Homil. 6. in Luc. & Christum, qua virtus est Dei, omnia pervadere docet, cælestia, terrestria, & inferna. Et libr. 10. in Epist. ad Rom. postquam Christum non alicujus loci terminis circumscribi, sed ubique penetrare, & per omnia diffundi declaravit; *Sed ita, inquit, debes sentire de Christo, tamquam de Verbo, & Veritate, & Sapientia, & Iustitia Dei. Hac autem omnia non in loco quaruntur, sed ubique adsunt, neque ab Inferni locis evocantur, sed mente sola, intellectuque capiuntur.* Atque ita intelligendus

D Tom. 2. in Iohann. p. 82. cum ait: *ἢ δὲ τὰ ἄλλα ἡμετέρεια τὰ ἀπὸ βαπτισμοῦ αἰὲς χριστοῦ ἔστι, ἢ ἀποκαθάρσιον αἰὲς ἐκαστοῦ ἐν τῷ διδασκασί, διηκουσίου ἐν πάσι τὰ ἦ νόμου, ἢ τὰς ψυχὰς τὰς δευτέραις, ὅτι οὐκ ἔστι ἡμεῖς ἐκαστοὶ ὅτι οὐκ οἴδατε, ὅτι οὐκ ἔστι οὐκ οἴδατε, ὅτι οὐκ ἔστι οὐκ οἴδατε.*

XX. Sequitur placitum aliud Origenis de morte Christi, non hominibus solum modo utili, sed Angelis etiam, & sideribus, ac rebus creatis quibuscunque. Ab eo si quis alienum penitus fuisse Origenem pertendere velit, candorem ille omnem ac pudorem projiciat necesse est, cum hanc in eo sententiam castigant ac coarquant Veteres plerique, & eam claris ac iteratis testimoniis consignatam reliquerit. Sed quoniam res intricata est & perplexa, accuratius videtur perferenda.

F XXI. Theophilus Epistola Paschal. 2. sensisse eum queritur *Christum pro Dæmonibus ac spiritualibus nequitiis apud Superos adfigendum cruci;* atque hæc dicendo deinde amplificans pro more suo & extendens, multa inde pestifera consequi ostendit. Ac hujus deinde auctoritate & verbis ad eundem profligandum errorem usus est Hincmarus in libr. De prædestinatione, cap. 27. Non aliter Hieronymus Apolog. adv. Rufin. libr. 1. cap. 5. *Origeni tuo;* inquit, *licet Christum dicere saepe passum, & sapius passum, ut quod semel profuit, semper profuit assumptum;* & Epist. 61. ad Avit. cap. 4. *Cumque dixisset (Origenes) juxta Ioh. a visis Apocalypsim. Evangelium sempiternum, id est futurum in cælis, tantum præcedere hoc nostrum Evangelium, quantum Christi predicatio Legis veteris sacramenta; ad extremum intulit (quod & cogitasse sacrilegum est) pro salute Dæmonum Christum etiam in aère, & in supernis locis esse passurum.* Et licet ille non dixerit, tamen quod consequens sit intelligitur: *sicut pro hominibus homo factus est, ut homines liberaret; sic &*

